

# Fokus baiki kepincangan ekonomi

Tiga tumpuan utama kerajaan menerusi dana RM393.8 bilion tingkat darjat hidup rakyat



ping memastikan khazanahan menghasilkkan kemalihatan buat seluruh rakyat.

"Arakian, sebuah islah perlu dilaksanakan sungguhpun sukar. Ini termasuk meluaskan asas hasil, melaksanakan subsidi bersasar dan membasmi segala bentuk rasuah dan penyelewengan yang sistemik.

"Kita juga memerlukan perkhidmatan awam yang efisien, cerdas dan tangkas dalam menjayakan agenda pembangunan semula negara," katanya.

**Kuala Lumpur:** Datuk Seri Anwar Ibrahim semalam membentangkan Belanjawan 2024 bertema Reformasi Ekonomi, Memperkasa Rakyat dengan peruntukan tertinggi RM393.8 bilion, dengan matlamat utama mengingkatkan darjat hidup rakyat dan ekonomi negara.

Belanjawan MADANI kedua oleh Kerajaan Perpaduan memberikan tumpuan memperbaiki kepincangan dalam sistem ekonomi negara bermula dengan memperbaiki tata kelola, sistem tadbir urus dan mambanteras rasuah.

Perdana Menteri mendedahkan antara contoh ketara masalah dalam sistem ekonomi Malaysia adalah pelaksanaan sistem subsidi pukal yang turut memanfaatkan golongan elit dan mahakaya.

"Seharusnya kebijakan ekonomi terarah kepada pertumbuhan dan pemerataan ekonomi. Namun, apa yang berlaku adalah jumlah subsidi besar yang memberi manfaat kepada golongan kaya.

"Adalah diharapkan dengan memperbaiki ketirisan subsidi, hasil dapat diagihkan secara adil kepada rakyat, termasuk kenaikan upah golongan pekerja," katanya di Dewan Rakyat.

Anwar yang juga Menteri Kewangan berkata, Belanjawan 2024 mahu memperbaiki ketertinggalan lalu yang mengakibatkan hutang dan liabiliti negara menjangkau RM1.5 trilion atau 82 peratus kepada Keluaran Dalam Negara Kasar (KDNK), dengan bayaran khidmat hutang saja mencatat RM46.1 bilion atau 15.2 peratus daripada unjuran hasil 2024.

"Hanya dengan mengurangkan defisit dan tanggungan, kerajaan dapat mengembalikkan kedudukan fiskal negara yang mampan," katanya.

Perdana Menteri berkata, Belanjawan 2024 adalah kesinambungan dasar Kerangka Ekonomi MADANI yang dilancarkan pada 27 Julai lalu, dengan tiga tumpuan utama, iaitu tata kelola terbaik demi ketangkasan perkhidmatan, penstrukturan semula ekonomi bagi melonjak pertumbuhan dan peningkatan darjat hidup rakyat.

"Sumber kewangan negara harus diurus dengan cekap di sam-



tanggungjawab mengurangkan defisit fiskal berperingkat.

Beliau mendedahkan Malaysia adalah negara ketiga tertinggi untuk subsidi petrol, iaitu RM2.05 seliter yang lebih murah berbanding pengeluar minyak utama dunia, Arab Saudi pada harga RM2.94 sen.

Malah, jika dibandingkan dengan harga negara serantau yang pendapatan rakyatnya lebih rendah daripada kita, harga petrol di Indonesia ialah RM4.45 seliter dan Thailand (RM5.99).

"Tidak cukup dengan itu, cukai yang kita pungut pula antara yang terendah di ASEAN, iaitu hanya 11.8 peratus kepada KDNK berbanding Singapura (12.6 peratus) dan Thailand (16.4 peratus)," katanya.

Justeru, Kerajaan Perpaduan bertanggungjawab meluaskan asas hasil sebagai langkah meningkatkan mutu perkhidmatan dan bantuan kepada rakyat.

Mulai tahun depan, beberapa langkah reformasi percutiaan akan turut dilaksanakan bagi meluaskan asas hasil negara, tanpa membebankan majoriti rakyat.

Antaranya, cadangan menaikkan kadar cukai perkhidmatan kepada lapan peratus berbanding enam peratus, tidak termasuk perkhidmatan seperti makanan, minuman dan telekomunikasi, menguatkuasakan Cukai Keuntungan Modal pada kadar 10 peratus mulai 1 Mac 2024, menggubal perundangan baharu bagi melaksanakan Cukai Barangan Bernilai Tinggi pada kadar lima hingga 10 peratus untuk produk bernilai tinggi seperti barang emas, jam tangan, selain melaksanakan cukai minimum global pada 2025.

Kerajaan juga bersetuju menguatkuasakan e-invois secara mandatori kepada pembayar cukai dengan pendapatan atau jualan tahunan melebihi RM100 juta mulai 1 Ogos 2024.

Dalam usaha melonjakkan Malaysia sebagai jaguh ekonomi serantau, struktur ekonomi negara perlu dirombak dan disusun se-

mula supaya potensi yang ada dapat dikembangkan.

Antara lain ialah dengan memberikan keutamaan kepada sektor pertumbuhan tinggi bernilai tinggi (HGTV), menjadikan Malaysia destinasi pelaburan, mengantarabangsakan syarikat pemula dan menerajui ekonomi Islam global.

Selain itu, memperkasa perusahaan mikro, kecil dan sederhana (PMKS) dengan menyediakan pinjaman dan jaminan pembiayaan hingga RM44 bilion.

Menyadari kepentingan keterjaminan makanan sebanyak RM2.6 bilion diperuntukkan bagi menyalurkan pelbagai bentuk subsidi dan insentif kepada pesawah serta nelayan.

Belanjawan 2024 juga terus memperkasakan golongan tumpuan termasuk agenda Bumiputera, golongan wanita dan kanak-kanak, belia, orang asli, orang kelainan upaya (OKU) dan warga emas.

Sama seperti sebelum ini, pendidikan menerima peruntukan tertinggi iaitu RM58.7 bilion, dengan tumpuan untuk menaik taraf dan menyelenggara sekolah di seluruh negara.

Kementerian Kesihatan pula menerima peningkatan peruntukan terbesar dalam kalangan Kementerian iaitu bagi melaksanakan reformasi kesihatan negara.

Tidak terkecuali, peruntukan untuk projek pembangunan baharu, luar bandar, ketersambungan digital, pengangkutan awam dan perumahan.

Bagi kebajikan penjawat awam, kerajaan sedang menyemak semula skim gaji dan elau tetap yang kali terakhir dilaksanakan pada 2012, dijangka akan dimuktamadkan akhir tahun depan.

Sementara kajian lengkap, kerajaan bersetuju memberi Bayaran Insentif Awal Kajian Sistem Sarana Perkhidmatan Awam sebanyak RM2,000 kepada semua penjawat awam gred 56 dan ke bawah, termasuk lantikan kontrak dan RM1,000 kepada semua JUSA melibatkan polis, bomba, tentera, angkatan bersenjata dan seluruh anggota beruniform, yang akan dibayar akhir Februari 2024.

Bayaran insentif RM1,000 turut dipanjang kepada pesara kerajaan, veteran berpencen dan veteran tidak berpencen.